

Ro Ta Paulus Ibeede Pizin Tesalonika Ma Iwe Ru Pa

¹ Nio Paulus. Niamɲan Silas mi Timoti ambeede ro ti ima piom wal ki kar Tesalonika ta kesekap la ki Tamanda Anutu mi Merere Yesu Krisi, mi kombotmbot lela lupɲana ki Krisi na.✧

² Tamanda Anutu mi Merere Yesu Krisi ko tikampe yom, mi timboro yom ma kombot ambai. Nonoono.

Pataɲana ikamam zin Tesalonika. Tamen timender mbolɲana

³ Niom tonmatiziɲ tiam, mazwaana ta boozomen na, niam irao leleyam ambai pa Anutu mi ampakurkuri piom. Mi sombe amkam ta kembei, ina indeeɲe. Pa urlaɲana tiom ta izze ma izze. Mi mbulu ki lelende par piti ta kembena. Izze ma ingi be niom ta boozomen kombol pa.✧

⁴ Uunu tina ta amwidit uruyom lela lupɲana ta boozomen ki Anutu, mi amzzotartaara zin piom ta kembei: Pataɲana boozomen ikamam yom, mi tomtom tiseseeze motoyom. Tamen kemendernder mbolɲana, mi kikiskis urlaɲana tiom.✧

Anutu kola iur kadoono pizin tomtom ta tizoro-zoro uruunu ambaiɲana

⁵ Nonoono, ingi niom kerre pataɲana pa peeze ki Anutu. Tamen mbulu tiom ta kemendernder mbolɲana, ina iswe ta kembei: Kaimer sombe Anutu itiiri zin tomtom mi iur kadoono pizin, na

✧ 1:1: Nɲo 17:1 ✧ 1:3: 2Tes 2:13 ✧ 1:4: 2Kor 7:4,14; 1Tes 2:19

ni ko ikam mbulu ndeenɛɛɛana piom mi ire yom kembei karao be kelela kar kini.✠

⁶ Pa mbulu kini, ina indenɛɛɛɛɛ men. Tana zin wal ta tikamam pataɛana piom na, ni kola ikam pataɛana pizin tomini, bekena ipokot mbulu kizin.✠

⁷ Mi niom ta kerre pataɛana i, na ni kola itatke pataɛana tana piom, mi ikam yom ma kombot ambai. Mi ko ikam ta kembei piam tomini. Merere Yesu ziɛan zin aɛela mbolɛan, sombe tizem saamba mi tisu ma tipet mat raama you bilbilɛana, to mbulu tana ipet.✠

⁸⁻⁹ To zin wal tau tiute Anutu som, mi tizorzooro uruunu ambaiɛana ki Merere Yesu na, Anutu kola ipokot mbulu kizin, mi iur kadoono pizin ta kembei: Zin ko tirao be tila ki Merere, mi timbot su kereene uunu, mi tire azuɛka kini mburaanaɛana na som. Ko timbot ndel ma tisaana kat, mi timbotmbot ta kembei ma alok.✠

¹⁰ Merere isombe imiili ma imar be ikam zaana biibi, to mbulu tana ipet. To wal kini potomɛan ta tiurla kini na, ko tiwe kwoono, mi tipakuri mi tiwit uruunu pa uraata biibi mi ndabokɛana ta ni ikam pizin na. Mi niom tomini ko kagaaba zin. Paso, indeeɛɛɛ ta amkam sua ki Merere piom na, kuurla.✠

Paulus bizin tisun pizin Tesalonika kan

¹¹⁻¹² Niam amkam ɛgar pa koron boozomen tana, tabe gorgori amzunzun Anutu kiti be ikam ma bobu kini iur nɛnoono piom. Naso ire yom

✠ **1:5:** Pil 1:28 ✠ **1:6:** Ro 12:19; Tur 18:6+ ✠ **1:7:** Mt 25:31; 1Tes 3:13, 4:16 ✠ **1:8-9:** Mt 25:41; Ro 2:8; Pil 3:19; 2Pe 3:7; Tur 20:15
✠ **1:10:** Ngo 1:11; Kol 3:4; 1Tes 3:13

kembei karao be kakam mbotŋana ta ni iboobo yom pai. Mi amzunzuŋi be ipombol yom pa itunu mburaana. Naso karao be kakam uraata ambaimbaiŋan boozomen ta leleyom pa be kakami, mi urlaŋana tiom ko ipiyotyooto ka mbulu. To kakam Merere kiti Yesu zaana ma iwe biibi, mi ni ko ipakur yom wal ta kesekap la kinii tomini, mi ikam yom ma kombot lela azunŋa kini leleene. Tana Anutu kiti ziru Merere Yesu Krisi ko tikampe yom ta kembei. Nonoono.✠

2

Tomtom Sananŋana Nonoono Tabe Izooro Kat Anutu I kola ipet munŋu, mana Krisi imiili

¹ Niom toŋmatiziŋ tiam, iŋgi be amso sua pa miiliŋana ki Merere kiti Yesu Krisi, mi mazwaana tabe tiyogeege iti ma tala kini be itiŋan tombotmbot. ✠

² Nonoono, wal pakan sa ko tiso piom ta kembei: Nol ki Merere ta ipet kek. Tamen niom kumurur pa sua kizin tana pepe. Mi kakam ŋgar boozo pa pepe. Sombe tiso sua kizin tana imar pa Bubunŋana, som tisoyaara sua ta kembei piom, som tiso niam ambeede ka sua ta kembei ise ro sa, na tonŋo. Kuurla sua kizin pepe. ✠

³ Kokena tipakaam yom. Pa nol tana irao ipet sorok na som. Bela tomtom tikam zoroŋana biibi ŋonoono pa Anutu munŋu, mi Tomtom Sananŋana Nonoono Tabe Izooro Kat Anutu I ipet tomini. Ni tana kola ila lene kat ta kar sanaana. ✠

✠ **1:11-12:** Yo 17:10; Pil 1:27+, 2:13; Kol 1:9; 1Tes 1:2+ ✠ **2:1:** Mt 24:31; 1Tes 4:13+ ✠ **2:2:** Mt 24:4; Ep 5:6; 1Yo 4:1 ✠ **2:3:** Mk 13:22; 1Tim 4:1; 1Yo 2:18; Tur 19:20

⁴ Pa ni ko iur koi pa Anutu. Mi koronj boozomen ta tomtom tiwatwaata be Merere kizin mi tizunzun pizin na, ni ko ipakur itunu ma iso ilip pizin. Mi ko ilela Urum Merere leleene ma mbuleene su ta biibi muriini, mi iso ta kembei: “Nio ti, Anutu nonoono.” ✧

⁵ Sua taiŋgi, poponjana piom som. Pa indeeŋe ta itinjan tombotmbot na, anzzo yom pa.

⁶ Mi niom kuute: Mazwaana ti na, koronj ta imbotmbot mi ipakalkaala zaala pa Tomtom Sananjana Nonoono tana. Kokena ipet karau. Mi ko talala ma indeeŋe ka nol, to ni ipet. ✧

⁷ Pa mbulu ki zoroŋana ta inŋi iwedet kek. Tamen ikamam ki keŋana men. Mi ko ikamam ta kembei ma irao Anutu itatke koronj ta ipakalkaala zaala pa tomtom sananjana tana, to ni ipet kat mat. ✧

⁸ Tomtom Tabe Izooro Kat Anutu I, isombe ipet, to Merere Yesu ko imar raama azunŋa kini mburaanana, mi ipasaani ma ila lene. Ko iwilaali men, mi mburaana imap. ✧

⁹ Tomtom tana, Tomtom Sanaana ko ipombolmboli pa itunu mburaana. Tana ni ko ikam uraata bibip mi mos mburanjan matakinja beken a ipakaam zin tomtom pa. ✧

¹⁰ Mi ko ikam pakaamjana sananjan matakinja. Mi zin wal tabe tila leni, ko tikan la sua kini. Paso lelen pa sua nonoono som. Mi be lelen pa, so tikan la, mi Anutu ikamke zin ma timbot ambai. Tamen som. ✧

✧ **2:4:** Dan 7:25, 11:36; Mk 13:14; Tur 13:5+ ✧ **2:6:** Tur 20:1+

✧ **2:7:** 1Yo 2:18, 4:3 ✧ **2:8:** Yesa 11:4; Dan 7:10; Tur 19:15,20

✧ **2:9:** Mt 24:24; Ep 2:2; Tur 13:11+ ✧ **2:10:** 2Kor 2:15, 4:3

¹¹ Tana Anutu ko izem zin mi n̄gar sanan̄jana izeebe zin, bekena tikan la pakaam̄jana tana mi tiurla. ✧

¹² Naso ni irao be ipamender zin mi iur kadoono pizin, mi timap ma tila len. Paso, tiurla sua n̄onoono som, mi lelen pa mbulu sanan̄jana ilip. ✧

Anutu leleene iur pizin Tesalonika kan ta mun̄gu kek be ikamke zin

¹³ Mi niom ton̄matizij tiam, Anutu leleene piom ilip. Tana mazwaana ta boozomen na, niam irao leleyam ambai pini mi ampakurkuri piom. Pa indeēne ta mun̄gu kat na, ni leleene iur kek be ikam yom ma kuurla sua n̄onoono, mibe Bubun̄jana ikam uraata piom mi itooro yom ma kewe potom̄oyom. Naso ni ikamke yom ma kombot ambai. ✧

¹⁴ Anutu iboobo yom pa koron̄ tina paso, ni leleene be Merere kiti Yesu Krisi azun̄ka kini iwe leyom tomini. Tanata ingo yam ma ama, mi amkam uruunu ambain̄jana piom.

Paulus ipombol zin Tesalonika kan mi isun̄ pizin

¹⁵ Tana niom ton̄matizij tiam, kemender mbol̄jana. Mi sua boozomen ki Merere ta tikam mar tiam mi niam kadoono amkam ma tiom, tau amso pa kwoyam, som ambeede se ro na, kozo kikiskis mi koto. ✧

¹⁶⁻¹⁷ Tamanda Anutu, ni leleene piti, mi ikampe iti pa koron̄ tabe imbot ma aloki. Koron̄ ambain̄jana tana, ta koozi tu'urur matanda pa mi ipombolmbol ti. Ni ziru Merere kiti Yesu Krisi ko tipotor leleyom, mi tipombol yom be

✧ **2:11:** Mt 24:5,11; Mk 13:5; Ro 1:24; 2Tim 4:4 ✧ **2:12:** Ro 1:32

✧ **2:13:** Ep 1:4; 1Tes 5:9; 2Tes 1:3 ✧ **2:15:** 2Tes 3:6

kakam uraata mi sua ambaimbaiŋan matakiŋa ta boozomen. Nonoono. ☆

3

Zin Tesalonika be tisun pa Paulus bizin

¹ Niom tonmatiziŋ tiam, iŋgi be amposop sua tiam. Niam leleyam be kusun Anutu be iuulu yam, mibe sua ki Merere irak karau ma irao pa lele ta boozomen, mibe tomtom tikilaala sua kini kembei sua nonono. Naso tiurla mi timbeze pa sua tana kembei ta niom kakamam na.

² Mi kusun pini be ikamke yam pizin wal sananŋan naman. Pa tomtom ta boozomen tiurla zen. ☆

³ Merere ni itoto sua kini mbukŋana. Tana iti irao tapase pini. Ni ko ipombol yom, mi iporoukaala yom pa Tomtom Sanaana. ☆

⁴ Mi ni ikam yam ma amurla kat ta kembei: Sua boozomen ta amur piom be koto, ta iŋgi kototoi. Mi kaimer tomini niom kola koto. ☆

⁵ Merere itunu ko ipei ngar tiom ma kikilaala kat ta kembei: Anutu, ni iur leleene piom. Mi ni ko ipombol yom ma kemender mbolŋana pa pataŋana kembei ta munŋu Krisi ikam na.

Tomborende sorok pepe. Takam uraata

⁶ Niom tonmatiziŋ tiam, niam amkam sua mbolŋana piom pa Merere Yesu Krisi zaana ta kembei: Wal tiom ta so tikamam uraata som,

☆ **2:16-17:** 1Tes 3:13; 1Pe 5:10 ☆ **3:2:** Ngo 28:24; Ro 10:16, 15:31

☆ **3:3:** Yo 17:15; 1Kor 1:9, 10:13; 1Tes 5:24; 2Pe 2:9 ☆ **3:4:** 2Kor 7:16

mi timbombooren sorok, mi tizorzooro sua ta amkam piom na, niom kombot molo pizin. ✧

⁷ Pa niom kuute. Bela koto yam pa mbulu tiam. Kere. Indeeje ta itijan tombotmbot na, niam amboreyam sorok som. ✧

⁸ Mi amkan sorok kini ki tomtom sa na som. Amgingiimi. Pa leleyam be amkam patajana piom som. Tana ambelmbel uraata biibi pa nomoyam ikot mben ma aigule, bekena leyam pat be iuulu yam. ✧

⁹ Nonoono, niam irao amur motoyam piom pa ulaanja pakan. Tamen amkam ta kembei som. Pa amsombe ampatoonjo yom pa mbulu ambainjana bekena kere mi koto. ✧

¹⁰ Mi indeeje ta itijan tombotmbot men na, amur tutu piom ta kembei: Tomtom ta so leleene be ikam uraata som, na irao ikan kini som. ✧

¹¹ Tamen inji amlen kembei tomtom tiom pakan tikamam uraata som, mi timbombooren sorok. Mi tinono ruumu, mi tizeizei len sua kizin wal pakan. ✧

¹² Wal ta kembei na, amkam sua mboljana pizin pa Merere Yesu Krisi zaana be tiur nin, mi naman iteege uraata. Naso kan kini. ✧

¹³ Mi niom tonmatizij tiam, niyom gesges pa mbulu ambainjana kamjana pepe. ✧

¹⁴ Sombe tomtom tiom tasa izooro pa sua ta ambeede se ro ti, na niom kerei patajana, mi kombot

✧ **3:6:** Mt 18:17; Ro 16:17; 1Kor 5:11+; Tit 3:10; 2Yo 10 ✧ **3:7:**
 1Kor 4:16; 1Tes 1:6 ✧ **3:8:** Ngo 18:3; 2Kor 11:9; 1Tes 2:9 ✧ **3:9:**
 Lu 10:7; 1Kor 9:4; 1Tes 1:6 ✧ **3:10:** Un 3:19; 1Tes 4:11 ✧ **3:11:**
 1Tim 5:13; 1Pe 4:15 ✧ **3:12:** Ep 4:28 ✧ **3:13:** Ga 6:9

molo pini. Naso itunu ikilaala mbulu kini mi ka mian pa. ☆

¹⁵ Tamen kerei kembei koyom koi pepe. Pa ni tonmatiziŋ tiom. Tana kosopei mi kapazali. ☆

Sua pemetŋana

¹⁶ Merere, ni mbulu luumuŋana mi mbotŋana ambaiŋana katuunu. Ni itunu ko imbot raama yom ta boozomen, mi ikam yom ma kombot ambai pa koronŋ ta munŋaana men, mi kombot la mbulu luumuŋana leleene pa mazwaana ta boozomen. ☆

¹⁷ Ingi nio Paulus ituŋ aŋbeede aigule tio ti ima piom. Bude tio ti iwe kilalan pa ro tio ta boozomen.

¹⁸ Kampeŋana ki Merere kiti Yesu Kresi ko ise tiom ta boozomen. Nonono. ☆

☆ **3:14:** Mt 18:17; 1Kor 5:9+; Tit 3:10 ☆ **3:15:** Ga 6:1; 1Tes 5:14

☆ **3:16:** 1Tes 5:23 ☆ **3:18:** 1Kor 16:21

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593